



XYUAS KOM KOJ PAUB HAIS TIAS KOJ TXOJ KEV KAWM NTAWV NYOB RAU QIB 9 MUAJ PEEV XWM YUAV CUAM TSHUAM TAU KOJ LUB HOM PHIAJ UA KIS LAS LI CAS RAU YAV TOM NTEJ.

Tsoom Fwv Tsev Kawm Ntawv Nroog Xees Phos thiab khoos kas Minnesota Twins RBI (Reviving Baseball in Inner Cities) cog lus yuav pab kom koj ua tau ib tug kis las zoo nyob rau hauv chav kawm ntawv thiab tom tshav kis las.

UA IB TUG TUB NTXHAIKAWM NTAWV ZOO UAS UA KIS LAS

Qhov koj yuav kawm tau ntawv zoo nyob rau hauv tsev kawm ntawv yog koj yuav tsum npaj cov hom phiaj kom pab tau koj kom koj tau qhab nia zoo thiab ua tib neeg zoo. Qhov tseem ceeb tshaj uas yuav los pab tau kom muaj kev vam meej yog kawm kom tau qhab nia zoo nyob rau hauv tsev kawm ntawv. Koj tus qhab nia GPA tsis yog yuav cuam tshuam koj lub hom phiaj ua kis las thaum nyob rau hauv theem siab (high school) xwb, tab sis nws kuj yuav cuam tshuam rau thaum koj nyob rau tsev kawm ntawv qib siab (college) thiab.

Nov yog cov txuj uas koj yuav tsum tau kawm thiaj yuav tau koom tes ua kis las thaum nyob rau theem siab (high school) thiab dhau tov lawd.

1. Kawm kom tau tus qhab nia GPA yam tsawg kawg yuav tsum yog 2.0.
2. Kawm kom tiav theem siab (high school) nrog rau cov txuj uas yuav tsum tau kawm thiab cov ntawv uas yuav tsum tau xeem.
3. Yog hais tias koj lub hom phiaj yog yuav mus kawm ua ib tug kis las nyob rau hauv ib lub tsev kawm ntawv qib siab los sis university Division I los sis Division II, koj yuav tsum:
 - Ua ntaub ntawv teev npe rau National Collegiate Athletic Association (NCAA) Eligibility Center thiab kawm kom tiav 10 hoob txuj tseem ntsiab, xya hoob ntawm kaum hoob no yuav tsum kawm kom tiav ua ntej yuav mus kawm rau qib 12.
 - Kawm kom tau tus qhab nia GPA yam tsawg kawg yuav tsum yog 2.3 rau cov hoob txuj tseem ntsiab uas yuav tsum tau kawm.
 - Kawm kom tiav nyob rau hauv theem siab (high school).

TEJ UAS YUAV TSUM KAWM THIAJ LI TIAV NYOB RAU HAUV TSEV KAWM NTAWV THEEM SIAB (HIGH SCHOOL)

Yog hais tias koj xav kawm kom tau daim ntawv pov thawj los hauv tsev kawm ntawv qib siab los sis university, koj yuav tsum kawm kom tiav cov txuj tseem ntsiab uas yuav tau kawm nyob rau hauv theem siab (high school). Nrog koj tus kws pab tswv yim tham seb cov hoob uas yuav pab kom koj kawm tiav yog cov twg.

Minnesota cov txuj uas yuav tsum kawm txhua xyoo thiaj yuav tiav txoj kev kawm muaj xws li nram qab no:

- 4 tug qhab nia rau hoob Askiv
- 3 tug qhab nia rau hoob Leb, xam tas nrho leb algebra I, algebra II, geometry, statistics thiab probability
- 3 tug qhab nia rau hoob Science, xam tas nrho biology, chemistry, physics los sis Career and Technical Education (CTE)
- 3 1/2 tug qhab nia rau hoob Social Studies, xam tas nrho keeb kwm ntiaj teb, keeb kwm teb chaws Asmesliskas, geography, tsoom fwv thiab pej xeem, keeb kwm ntiaj teb thiab txoj kev khwv nyiaj, faib nyiaj, thiab siv nyiaj tawm hauv ib cheeb tsam los yog hauv lub teb chaws (economics)
- 1 tug qhab nia rau hoob txuj ci tsum ub no (arts)
- 7 tus qhab nia rau cov hoob electives uas yus xaiv yus los kawm

** Nco ntsoov mus cuag tus neeg uas saib xyuas koj tus me nyuam cov ntaub ntawv teev kev kawm rau tus kheej (IEP), xib hwb qhia lus Askiv (ELL) los sis nws tus kws pab tswv yim kom paub hais tias cov hoob twg thiaj yog cov yuav tsum kawm thiaj yuav tiav txoj kev kawm nyob rau hauv Minnesota.*

Winning in the 9th

NPAJ KOM TXHIJ RAU KEV UA KIS LAS HAUV TSEV KAWM NTAWV QIB SIAB (COLLEGE)

Ib lub hauv paus ruaj khov rau kev koom tes ua kis las hauv tsev kawm ntawv qib siab (college) yog pib los ntawm cov hoob hauv theem siab (high school). Cov tsev kawm ntawv qib siab los sis universities uas yog cov tswv koom tes rau NCAA xav kom koj npaj rau cov txuj uas yuav tsum kawm thiaj yuav tau koom tes rau kis las nyob rau hauv tsev kawm ntawv qib siab (college).

- Yuav kom tau koom tes ua kis las nyob rau hauv tsev kawm ntawv qib siab (Division I sports), koj yuav tsum kawm kom tau 16 tus qhab nia los ntawm cov txuj tseem ntsiab.
- Koj yuav tsum kawm kom tau kaum tus qhab nia ua ntej semester xya. Kaum tus qhab nia ntawd, tom qab koj tau lawd, koj txawm xav rov qab mus kawm dua kom tau tus qhab nia zoo zog los yuav tsis tau lawm.
- Xya hoob ntawm kaum hoob ntawd, yuav tsum yog Askiv, leb los sis natural los sis physical science thiaj yuav tiav cov hoob uas yuav tsum tau kawm raws li teev tseg nram qab no.
- Yog tias koj tsis tau kaum tus qhab nia ua ntej semester xya, koj tseem xyaum ua kis las tau thiab tseem tsim nyog tau txais nyiaj pab them rau kev kawm ntawv, tab sis koj yuav tsis tau mus nrog luag sib tw.
- Yog xav paub hais tias cov hoob twg yog cov hoob NCAA uas yuav tsum kawm thaum nyob hauv theem siab (high school) thiaj yuav tau koom tes ua kis las thaum mus kawm rau tsev kawm ntawv qib siab (college), mus saib hauv www.eligibilitycenter.org.

Cov Txuj Yuav Tsum Kawm Thiaj Yuav Tau Koom Tes Rau Kis Las Hauv Tsev Kawm Ntawv Qib Siab los sis College

- 4 xyoo Askiv.
- 3 xyoo leb (Algebra I los sis siab zog).
- 2 xyoo natural/physical science (kawm 1 xyoo lab los sis tov tshuaj yog tias muaj nyob rau hauv theem siab los sis high school).
- 1 xyoo Askiv ntxiv, leb los sis natural/physical science.
- 2 xyoo social science.
- 4 xyoo txuj ntxiv (cov txuj saum toj no cov twg los tau, kawm lwm hom lus los sis comparative religion/philosophy).

HAI S TXOG

Minnesota Twins RBI (Reviving Baseball in Inner Cities) yog ib tug khoos kas los ntawm Major League Baseball rau cov hluas muaj hnuv nyoog 13 mus txog 18 xyoo uas nyob rau hauv cov nroog loj. Tus khoos kas no yog tsim los txhawb kom muaj kev koom tes thiab txaus siab ntxiv rau kev ntaus pob baseball thiab softball; txhawb kom lawv muaj kev koom tes rau txoj kev kawm thiab ua tau mus txog qhov lub siab teev tseg; txhawb kom muaj neeg coob zog npaj mus ua kis las nyob rau hauv tsev kawm ntawv qib siab (college) thiab minor leagues; txhawb kom muaj cov tub ntxhais ntawm ntau haiv neeg coob zog mus koom tes ua kis las nrog rau lwm cov thiab qhia kom lawv paub txog kev sib koom tes.

Tus khoos kas Minnesota Twins RBI yog koom tes ua los ntawm Major League Baseball (MLB), Twins Community Fund, Minneapolis Park and Recreation Board thiab City of Saint Paul Parks and Recreation.



Reviving Baseball in Inner Cities